

祗述誠明庶伸昭謝臣無任懇倒之至謹詞

玉皇

臣願以眇躬結茲丕歷雖靡忘於兢業蓋偶
奕於隄防藩邸之中遽因遺燼端闈之內遂
致延燒思有失於慎微實自深於克已恭伸
昭謝允鑒至誠臣無任懇倒之至謹詞

聖祖天尊大帝

臣續紹慶圖祗畏靈命雖懷戰慄靡報鑒觀
烈燄延災偶興於王邸環廓莫救遽及於端
門內省眇冲靡違寧處庶鴻源而昭謝敢精
意而洞伸臣無任懇倒之至謹詞

宋真宗御製玉京集卷之六

太上濟度童救卷上

章

官七

廷生解厄章七層齊用

具位臣某誠惶誠恐稽首頓首弄拜上言臣
滋叨真扶揜暢玄風凡激切以飯投蓋懇懇
而敷奏臣謹據齊意臣仰惟闔宮廣覆列緯
經行司下土之機祥察人生之禍福况命分
枝輪運列祿刑六甲三元周行歲月三災九
厄迴察日時自非請命以扶衰為俾消災而
益算謹為拜章一通上聞三天伏望帝恩昭
曠宸澤敷羅特降勅命宣告日月星宿瓊璣
玉衡三天玄曹十二分野六十甲子主宰官
君特為齋主某人除本生身命之災解流年
臨犯之厄二運三限俱進吉星八卦九官無
違惡曜庶躄災患逐續禳祥臣謹為上請南
上君壽命君丹秩君緣官君消災君解穢君
各一人官將各一百二十人主消滅惡星度
厄益壽太和真一好生君運氣君定貴君各
五人官將各一百二十人主和順流平穢解
惡曜解刑度厄君廷壽益算君請命好生君

救刑却煞君斷刑絕煞君執刑收煞君各五
人官將各一百二十人主益算延年拘制刑
煞萬福君南極君司命君太白明星君定名
玉曆君財庫祿庫君各五人官將各一百二
十人主增注生名削落死籍拘魂制魄君周
玉君各一人玉曆素女千二百人主拘魂守
魄錄神衛氣天曹解災去禍君五方生炁君
益命延壽君六甲將軍從官吏兵主度厄消
災除邪保命庶使齋主某人運限協和身命
安泰動靜出入有祿焉之加臨分野躡離無
災刑之衝戰木星為災金星制之土星為災
木星制之金星為災火星制之水星為災土
星制之俾得調理五行和合四象命基鞏固
壽址堅牢度厄扶衰解災保算益廣好生之
澤上禱育物之仁蒙如所陳允昭玄既恩惟
大道分別求哀臣愚謹因二官直使正一功
曹左右官使者陰陽神決吏科車赤符吏剛
風騎直吏驛馬上章吏飛龍騎吏進章鳳凰
騎上章雲龍騎言章風發騎御章神龍騎奏
章飛龍飛虎騎各二人出操臣為齋主某人

拜上某章上詣三天曹伏願天恩告報臣誠惶誠恐稽首頓首再拜以聞

謝土安宅章 安宅齊用

臣矢心領教勵志度人自揆疎庸夙叨涵育敢瀝粟絲之悃仰酬山岳之恩臣謹據齊志

臣切惟齋主某入繼述謀家辛勤問舍經營版築莫真室廬墳墓極移慮傷禁忌况星躔之臨照與神熱之循環練日練時或因冒觸定方位恣致災乘期寧靜於上司盍皈依於帝闕仰希福慶預珍屯危謹為拜章一通上聞三天伏望皇極流祥蒼旻委監特降玉清道系靈寶妙光灌注齋主某人所造屋宅之中內外輝華通遐洞煥導迎萬福辟斥千妖鎮守真靈各安隅界觸犯神熱咸回善心卜世卜年永臻玄貺臣謹為上請謝土君制土君解土君安土君安定君安宅君五方保護君解功破耗君各五人官將各一百二十人主解謝造宅已來前後動土觸犯禁忌太歲太陰大將軍一百二十位官符毒火吊客夜門上下神煞悉令和釋其有方隅神祇因

抵鑿權遷避者請各諭置復本位陽方君安上君右都候君安石安土君各一人官將各一百二十人考官吏兵主收攝土公之鬼母敢侵犯鄉邑大夫神君守宅大神守宅三將軍吏兵三十萬人主驅遣五方土炁故炁逼

絕邪精母令侵犯五岳將軍六甲神將五方安宅大將軍護宅大將軍保宅大將軍鎮宅大將軍各一十一人鎮安宅舍驅斥邪精九橫三災千殃萬厄悉皆消蕩母損居人庶使齋主某入自今以往百事康安宅舍光鮮門庭清謐盜賊虛耗遠離他方水火官災毋撓近却邪邪絕滅疾病消除瘴疫不興謀生稱遂詩書有耀富貴無涯眷屬利安以為效信

遣疫癘保病章

臣謹膺選舉冒綴班聯寒淺自慚希夷不倍扣宸闈而屢請醜靈府以知非直冀隆慈曲垂涵貸臣謹據齊志臣切念齋主某入產業涉迹身世謀生五慾七情寧無翳累百非乘惡易積愆尤致寒暑燥濕之患凌乘身命運限之屯滯忽沾疫蒸遂履危機自非帝造之

垂矜曷俾餘生之有慶謹為拜章一通上聞三天伏望盛德涵容玄恩矜恤特降玉清道系靈寶妙光灌注某人身家之中俾正炁輝明效氣速離消災解厄保命延生臣謹為上請北關九夷君北黑天機君運炁解厄君地

官督炁君各五人官將各一百二十人北城化吏五人天市大夫一人五瘟部炁兵四十萬人拒天大兵千萬人主收制疫毒斷除瘟炁東方九夷君八十一官君斷青瘟青毒之炁南方八蠻君六十四官君斷赤瘟赤毒之炁西方六戎君三十六官君斷白瘟白毒之炁北方五狄君二十五官君斷黑瘟黑毒之炁中央三秦君一十二官君斷黃瘟黃毒之炁大胡老君家中守宅三將軍左右三部將軍赤陽兵士運炁解厄君五瘟都炁君吏兵各三十萬人與里社井邑君主同心收除新制疫鬼中官遊邏大將軍科車武騎大將軍鋒大虎賁大將軍監天敢健大將軍遊遠大將軍鋒火大將軍驍騎大將軍斬斷虎賁大將軍羅網龍虎大將軍討捕飛行大將軍在

天絕地大將軍各一人吏兵七十萬人主收
 斷五瘟積類無侵鄰里搔天動地兵十萬人
 討天君胡越騎若陰陽神決吏收食毒吏
 收神食神吏收鬼食鬼吏收毒食毒吏各一
 人執赤越大胡君千二百人三五元命功曹
 使者魁罡擊刺將軍各一十五人金剛八煞
 兵士各九十六人主收捕瘟鬼掃蕩疫蒸免
 相侵染貽禍鄉閭即俾其毒蒸消除病源康
 復天醫扶體靈藥資身家門專早均臻景貺

收邪斷恠解厄保命章

臣蹄浴卑賤茅徑昏愚夙沐洪恩臨司玄教
 稽度人而激切庶資化以承宣凡有皈投敢
 忘關告臣謹據齊意切念齋主其人運逢
 屯否身際妖邪致寢食之倉皇覺精神之顛
 倒致生疾患藥餌罔功恐涉冤愆沈綿莫釋
 塵時既久恠證愈際自非請命於虛玄曷克
 流恩於圓輻謹為拜章一通上聞三天伏望
 廣運慈悲曲加拯授特降玉清道靈寶妙
 光灌注齋主某人身家之中俾內外洞明門
 庭輝煥靈光所燭邪祟遠離疾病安痊壽齡

延水臣謹為上請斷邪天靈官功曹攝神術
 身吏斷邪使者護身將軍檢邪直符斬邪刺
 毒吏攝神使者主驅逐精魅收捕兇邪好生
 保命大將軍續命大將軍驅邪大將軍斬邪
 大將軍度厄大將軍各一人官將各一百二
 十人主解除災厄却去精邪安早守石君一
 人官將一百二十人无上監炁君一人兵士
 七十萬人天罡大兵五丁君一百萬人无上
 天生君五人兵士一百二十人蓋天大將軍
 兵士七十萬人高魔大鼓五湖將軍及甲逆

鱗兵四十萬人收鬼食鬼吏收炁食炁吏收
 神食神吏主收捕諸惡君擾害生民無上中
 官五曹校尉兵五十萬人清玄公君一人官
 將一百二十人主捕制鬼賊陸梁犯人歲甲
 君太甲君朱陰君各一人官將各一百二十
 人五天侯將軍兵士十萬人主擒戮精魅勤
 蕩無留陽明君一人官將一百二十人與所
 在真官諸部吏兵社稷土地山林孟長同心
 協力和合家中守宅諸神併力追捉無令隱
 漏捕赴天獄依律蕩除又為上請左右陰陽

太醫吏救治病源太和真一好生君解穰惡
 靡庶使齋主其人形體安和邪精殄滅疾病
 痊愈藥食調平春序康寧門庭清肅起居隨
 意謀為稱心永保利貞以為效信

保病解厄章實福齋用

臣學業愚蒙性資荒陋幸緣宿慶借陟真階
 摺輝濟度之動庸報生成之德臣謹據齊意
 臣切惟齋主其人命運災衰形神凋瘵三業
 十惡夙累行藏六曜五星偶凌次舍忽染疾
 疢寢食靡寧藥餌罔效日時浸久夙宵驚戰
 控告無門非賴研骸曷臻平復謹為拜章一
 通上聞三天伏望隆慈誕施惠澤特降玉清
 道靈寶妙光灌注齋主某人身家之中俾
 災蒸消除靈光照耀目今病患早遂平安正
 謹為上請陽秩君一人司命吏一百二十人
 各主重病未痊速令康愈須臾君赤天食炁
 君各一人官將各一百二十人主久病困衰
 即得痊癒收神上明君一人官將各一百二
 十人主明暢精神斷除惡夢赤星君三天愆
 愈君各一人官將各一百二十人主制絕家

親乘時攝靈解考君度命君益算君誅殃君
遊運大將軍地燒大將軍各一人官將各一
百二十人主收錄邪精辟除故炁火龍君山
周君東明大夫君各五人官將各一百二十
人主制醫藥黃衣節命玉女月玄玉女各千
二百人主持神方太仙明堂玉女千二百人
主按方治病中官大醫吏十二人主擇方合
藥天醫官醫太醫五官治病醫吏各一十二
人主入臟腑經絡關節行神存炁天曹上平
大醫吏一十二人治病功曹一十五人主上
詣鳳凰太清宮中取五色神藥和合官君治
療病患木官持藥金官持鍼水官主湯火官
主灸土官和德各奏奇勳東青生炁君南赤
生炁君西白生炁君北黑生炁君中黃生炁
君各領吏兵除邪收病南昌朱陽君黃老君
天魂君地魄君各一人起生玉女玉曆素女
各千二百人主扶却災危度脫年命即俾齋
主某人炁體康健災衰消散精邪遠避殃訟
和平病患蠲除命身牢固服藥有效動止無
魔命運亨嘉以為效信

傳法授道祈恩謝過章 傳度月

臣誤奉宸恩繼承師派期提後進齋紀前脩
備陳悃悞之私仰謝涵濡之澤臣謹據齊志
臣切惟女青玉律遷舉至難太極金科保任
尤重儻傳授有乖於踐履則師實俱冒於憲
章今弟子某人深己求真願奉大法靜言障
累趣有數端或神炁難保於脩齡或骨相不
符於道品或九玄七祖家訟未消四負三生
兇仗猶結或宿劫今世謹考尚繁或故作誤
為愆尤莫釋匪賴甄陶之賜曷詣願望之隆
謹為拜章一通上聞三天伏望曲施玄釐俯
矜丹悃特降玉清道炁靈寶妙光灌注弟子
某人五宮六府之中俾正炁輝華道心開發
靈光羅絡妄累消鎔仍乞敕命宣告三界十
方應于玄局特為蠲消考訟解釋愆尤紀字
玄編定名青簡臣謹為上請无上九天帝君
三十二天帝君五老帝君日官月府五星四
曜南辰北極列宿星君三省五師三官九府
天曹主執四司真靈福地洞天五岳四瀆地
水職司三界神祇俱赴玄壇證明傳度又為

謝罪祈雨章 雷靈齋合用

上請靈寶六部仙官三界所向玄曹赫奕仙
曹玄壇侍經護道降真召靈合屬仙吏九天
司命府青玄黃籙院玉清神霄玉府上清童
初府玄靈璇璣府北魁玄範府靈寶如意萬
司九天溥度院臣謹祈將軍神吏玉童玉女
合該傳校將吏官君疾速分景化形隨逐香
火伺候交撥輔位宣行庶弟子某人謫指萬
靈告盟眾聖勤修精進學道參真存念行持
濟生度往身膺仙職心契玄宗智慧洞明慈
悲利益魔試寢絕靈照日臻譽望與隆邇遐
皈向功圓道備舉形仙飛永暢真風益光宗
緒指終浩劫歸戴玄元蒙如所陳允昭聖造
臣愚蒙無取踈謬何庸風依覆育之恩勉飭
精修之志承符領教宣德濟人凡有皈投理
宜關者臣謹據舊者臣切惟春耕秋歛稼穡
之常久旱亢陽炁運之變儻時雨未敷於播
種則嘉禾曷望於豐登况濇澮之如焚極閭
閻之愁嘆何以卒歲坐見饑荒諒萬兆之積
過浩繁而司土之神明謹責匪貽帝力莫顯

民哀謹為拜章一通上聞三天伏望道德曲成慈悲善應特降敕命告下十方三界一切真司原赦下民隱顯之愆垂軫歲事阻飢之苦至沛甘澤為長禾苗更乞告宜主宰霄霆之司掌執風雨之吏湫澗澤洞感聖龍神城

隍山川祀典杜貌應千攸屬各體慈仁肅命風伯雨師指麾雷公電母普注膏雨甦解焦枯巨謹為上請天翁正氣君河上真人九海九江九河北玄君各一人官將一百二十人主水炁泉源興雲致雨海中玉女千二百人河伯呂公子三十六人主興起水脉立降風雨四洲九谷君靈臺漢明君九州玄冥君九江北玄君九侯君各一人官將各一百二十人湖中玉女千二百人主召攝河伯使者青水帝君九江水帝十二溪女水部是神河平據吏合符行雨應時下降於疆邑之內驅雷役電與風布雲先霽霖於江河吹霽露於郊野即俾甘霖應候好雨知時槁禾回青平疇變綠苗秀而實歲稔且穰騰舉事於垌原播歡聲於畝壟願拜成終之造允垂寶始之恩

更冀百穀用成九垓咸遂遺蝗遁影妖魅潛蹤飽食暖衣極三農而快樂仰事俯育歷百歲以光華蒙如所陳允昭宸既

祈嗣章 祈嗣用

臣草芥微生塵泥賤品濫承正化得奉真宗無半功之可書有千愆之堪錄曲蒙覆育賈籍汪涵敷九拜以歸誠借一言而瀆聽臣謹據齊意巨切惟父子有親人倫之本夫婦有別天屬之常僕身命有犯於孤辰與運限或罹於寡宿或相因戰或犯刑衝致嗣續之未諧使宗枋之莫托逡巡暮景會愈衰齡自非請命於玄穹萬克承恩於黃混謹為拜章一通上聞三天伏望大德好生至仁無外特降敕旨告下玄曹應身命中風生今世所有戰衝盡與解釋仍乞賜降玉清道炁靈寶妙光灌注某夫妻某氏身心中即今起處安和胞胎凝結疾病不作榮衛騰常十月周圓誕生男嗣願心圓滿福慶聯臻臣謹為上請司命君司錄君南斗降生度化君東斗度星通炁君西斗度魂結胎君北斗通魂通血寶骨

君中斗度魂成人音聲君主成就胞胎結聚魂魄往生夫人往生天女通脉運骨天女回星度胎天女各五人從官各一十二人主和合陰陽結胎成形度胎夫人五人上詣五方五斗闕下請以五方真炁覆育己身榮衛調和凝結胎孕五行君素白玄明君文曆君各一人官將各一百二十人主降炁結胎除邪護正解除夫妻刑害成就陽男中神太和真君陰陽生炁君三元丹田赤白君各五人官將各一百二十人主血炁流通黃白相累多引陽系穿結男胎陽神決吏男神玉女各二人甲子神人君吏主扶助真胎凝結陽炁若已孕女回轉為男即俾某人妻某氏懷胎合孕起居不傷全陽成男飲食無忘月數滿足必產陽男日吉時良速得分娩母子周圓以為效信

文昌祈祿章 祈祿用

臣昨昨無取駭辭何庸濫叨雨露之恩恩積雷震之譴尚祈洪造俯賜慈觀臣謹據齊意臣職惟領教理難抑遠依稟料次第修奉

臣切惟登崇俊良拔擢材彥一則關於運限
二則系於修為儻祖宗之積累未陳與今昔
之過愆尤厚既乖踐履難就功名自非帝造
之維持曷副民情之願望謹為拜章一通上
聞三天伏望大慈曲垂惠澤特降敕命行下
三界合屬玄曹為某人樓謝星躔和平運氣
赦除障累紀錄善功增注勳名光崇宗祖
謹為上請夫子君一人官將一百二十人東
井清明君決了史一合來下以溫潤清和英
靈善奕之炁下布某人五藏四肢身體骨節
之間安定神靈衛護真炁驅三尸滅九蟲背
死向生却禍來福心志開通超拔林能五經
九炁君一人官將一百二十人主智慧圓明
與眾有異天王玉女千二百人衣青衣主部
領萬官賜以印綬運為舉動能通神明玉曆
素女千二百人衣赤衣主紀姓名於玉曆注
壽算於丹書若某人入仕之初或願主倉庫
或願職金帛或願典場務或願領兵卒或願
司學校者則陰陽有神靈主之乞為關告所
在靈應神祇正直土地點賜臨相使之爵祿

隨心德行備足若大選之後圖謀願望升品
進階者則上有星辰主之乞為宣告紫微太
微二垣公卿將相大理尚書文昌三台南斗
北斗東壁奎宿羽林星歷師門將軍應主宰
人間官職諸星並為垂象宣精舒光絢彩即
俾橫飛直上於省臺部監徽塞邊陲有九遷
之榮華膺十賚之富貴公忠許國清白傳家
祿壽兼全以為效信

廷生解厄延壽章 祈壽用

臣夙藉慶基生逢昌運佩鸞為國而領教承鳳
牒以學真童頓悒悒若為報稱輒瀆千鈞之
聽庸陳一得之愚仰冀高明俯垂監察謹
據素意臣切惟人情欲壽大德好生儻運限
有犯於威蹶致身命或臨於屯否易逢厄疾
曷保年齡今某人藉祖宗積累之功膺門戶
付託之任欲祈眉壽或衍遐齡肅安樂於期
願勿馳驅於障難于孫昌熾富貴利宜自非
玄造之慈觀焉得黃璋之佚老謹為拜章一
通上聞三天伏望廣運深仁廓施惠澤特降
敕命行下三界十方合屬玄曹為某人辟斥

凶星斷除戾炁寬愆頓釋身心雙隆八節四
時織災無恙常居吉慶永處福齡百歲周圍
一身康泰臣謹為上請天曹解厄去禍君益
算延壽君五方生炁君六甲將軍主消災度
厄益命除邪太和真一好生君萬福君解刑
度厄君益壽延命君請命好生君保命生炁
君收刑却煞君斬絕刑熱增益壽命萬福君
運炁君解厄君南上君司命君司錄君太白
明星君拘魂拘魄君財庫君祿庫君定名玉
曆君各五人官將各一百二十人主落除死
籍注上生名收拜君斷拜君破拜君各一人
官將各一百二十人主解除拜厄拔贖壽命
東斗主算君西斗紀名君北斗落死君南斗
上生君中斗大魁君各一人官將一百二十
十人主度脫五行災厄增紀壽算六十甲子
從官吏兵主張解年窮算盡之厄消除命衰
運敗之災五方五帝君從官吏兵各乘本方
真炁執符持節上詣二十三天星宿玉曆之
官檢壽命籍增注年齡延命大將軍兵士千
二百人主解消災厄增益年命明堂君南昌

君朱陵君黃老君天魂地魄君各一人拔命君十二人鼎倉玉女五人五緯玉女起生玉女玉曆玉女各一千二百人主度脫年命增壽廷生諸部官君和合保護解除二十四厄增延壽算即俾某人命運亨通災危驅遁福祿興華壽算延長無難無災多祥多慶雲仍家衮門戶輝輝以為效信

謝罪祈晴章 祈晴用

臣稟質疎散賦性庸愚印武班強顏素對每捫心而者過期弘道以憲天庶證勳勞上裨化育臣謹據春意臣切惟務農種穀重藉天時秋斂春耕惟資地利所願五風而十雨庶今百穀以三登况茲郊野之田勢處陂塘之側繞致霍濼澎湃莫支乃經旬惟積雨之傷致稻苗多乘流而稿歲事足慮生民存飢若非開霽以斷流何以有年而多稼全資聖造特賜慈觀謹為拜章一通上聞三天伏望帝德好生民情堪憫特降敕命關告匪境里社一切玄司散茲雨陰即成晴濼庶得三農勤動百穀豐成田疇無滄浸之憂黎庶免飢

健之苦優游卒歲允藉天恩謹為上請天翁正炁君一人官將一百二十人兵士七十萬人九海北玄君一人官將一百二十人河上玉女千二百人主收雲止雨致風興霽水泉官屬八海九江掾吏主決開壅厥疏導百川即俾四境狂霖登時開霽陰雲解散紅日陸離田野歡心耕耘樂意坐看刈穫白粳登場實叨覆護之恩加拜生成之賜更祈教旨行下四海四瀆溪源潭洞應千龍神洎玄虛主掌今年今季風雷雨部一切神祇咸令知委五與停風息浪收雨散雲濛陰開明日光照野禾稻豐稔稼穡盈成樂歲無憂以為效信

禳火災章 禳災道場用
臣草茅賤質樗櫟散材謬處班聯濫司濟度敢罄小心之禱庸祈大造之仁臣謹據春意臣切惟仰事俯育端藉靈廬接棟連雲乃堪衣食實生成之厚利宜上帝之矜憐於前朝忽傳星變謂來墜於屋角務有似於火殃由中驚惶固知攸措私料近至信宿遠則旬

時恐有燎原之憂或致焚如之慘綿連并落廷巨鄉閭若非請命於上蒼曷克流息於下界謹為拜章一通上聞三天伏望廣運隆慈廓施妙化特降敕命關告匪境里域一切真司為某人驅除火災即移他境無生殃咎流

君兵星神君游都君明星君誅殃君天昌君各一人官將各一百二十人河上玉女千二百人蓋天大將軍黃衣兵吏各十萬人无上天君兵士七十萬人主動畢星升陰炁驅六丁六甲消滅火殃之鬼驅逐火精之怪與北方黑帝羽子之指士癸正炁太陰水德防制火災即令斷絕仍關風伯雨師下雨滅火當境神祇斥遣火怪速令遠離庶得流災遠徙里社安寧眷序不移屋宅如故以昭宸貺

謝罪遣蝗保田章 保田道場用
臣塵泥賤品草莽微生值昌運之興行際真詮之曉覺學真領教弘道度人摅補過以立功庸承流而宣化臣謹據春意臣切惟春耕秋斂觀爾有年地應天災將成凶歲既與蝗

時恐有燎原之憂或致焚如之慘綿連并落廷巨鄉閭若非請命於上蒼曷克流息於下界謹為拜章一通上聞三天伏望廣運隆慈廓施妙化特降敕命關告匪境里域一切真司為某人驅除火災即移他境無生殃咎流

之誕發實妖及之肆興林木盡重田禾俱食
非愛心而哀願為請命以祈穰焉係稻梁終
無損盡謹為拜章一通上聞三天伏望廣運
慈悲曲加鑒采特降敕命闡告匪境一切神
司辟斥妖蝗斷除戾炁乘狂風而徙他境因
暴雨而移別鄉悉化餘蟲無令遺種庶得田
禾秀發成熟可期臣謹為上請四野君五野
君九野君里域山川社稷君總元君白蠶五
穀君大田五斗君六富君各二人官將各百
二十人地畜君天甲君五千王君各一十二
人官將各一百二十人主田疇豐稔五穀登
成辟斥螟蝗驅除鼠雀稻苗秀好蟲蛾逃遁
與社稷山川城隍神君遞相保護即俾田禾
秀實蟲蝗去離轉之外疆以為效信

諸章官式祈禳通用

保蠶

謹為上請暴食君供食君千澤君各一人官
將各一百二十人仙官女男玄女神男神女
素男素女玉男玉女蠶室仙吏絲綿仙吏二
十四人養育蠶桑保護絲繭辟斥鼠耗萬倍

緝妖

保胎

謹為上請安胎君護胎君扶衰度厄君萬福
解厄君護胎聖母天醫玉女護胎成生吏保
胎成生聖母各二人主保護胎孕無有疾傷
十月周圓產辱快利天醫太產吏治通乳母
天門中君天醫助生君催生童子各二人官
將各一百二十人主調理陰陽和安胎藏產
薦無阻得就陽男九天好生君監生大神衛
房聖母主錄勅籍真君傳胎應夢童子三元
保胎大神六十甲子從官符吏主保胎護命
定魄安魂臨產之時母有厄難

保男

謹為上請陽仙護魂君陰仙護魄君天靈陽
生君主通於營衛乳食平安太皇萬福君解
患君各五人官將各一百二十人主錄護生
氣辟斥邪精
謹為上請五陽君斥災君營星君各一人天
位君暴勝君東西太白君各五人官將各一

逐盜

百二十人搖天動地君九炁太兵五十萬人
赤衣日男白衣月女各千二百人絳衣日月
大兵承天大將軍兵士各十萬人追逐寇盜
驅斥賊徒遠離門庭惠安閭里

保六畜

謹為上請六畜王相君天陽君天儀君天休
君黑水期君各一人官將各一百二十人主
尊養六畜榮盛不傷斷逐疫瘟斥除邪炁歲
星太元君一人官將一百二十人周天兵士
十萬人主治祠廟傷鬼檀殺六畜

絕墓訟

謹為上請九地君大元君都侯君文童君地
甲君九玄察氣君卿大夫各一人官將各一
百二十人收塚訟鬼安穩生人五行君一人
大墓君小墓君各五人官將各一百二十人
主解除祖先護貴利安塚墓風水斥絕故炁
斷伏殃訟太玄君都侯君誅殃君太白中陳
明星君各五人官將各一百二十人主收斷
塚訟家鬼解散和釋

斷口舌

謹為上請五經君一人清靈六鍾太皇君五人官將各一百二十人主制斷口舌斥絕變關無上清玄君兵士十萬人南鍾六星君五人南鍾太真君一人官將一百二十人太陰君吏十二人主收捕口舌禁斥誣罵左惠右善君一人官將一百二十人仙花玉女千二百人主斷除口舌解消耗殃五方大領神吏主鎮惡人口舌今不言語從今絕滅

除官訟

謹為上請冠帶君青禽君四顧君八門君北一官左童君各一人官將各一百二十人收刑領連吏一百二十八人八甲周趙女三千七百八人主縣官公事悉令消絕察惡君一人官將一百二十人主收斥毀謗息詞衆言五方五帝大夫君吏五十人斬斧陽父君破市大將軍破獄大將軍脫繫大將軍解惡大將軍散事大將軍鎖訟大將軍七部大夫官將吏兵主迴化官事悉令消除

禱呪詛

謹為上請離倒君一人官將一百二十人主

觀解呪詛和釋冤憎青龍白虎大將軍年月日時四煞天然地煞三十六煞官將各一百二十人主收捕呪詛和同仇讎若東方木地年月日時就木神呪詛者請金炁神解而除之若南方火地年月日時就火神呪詛者請水炁神解而除之若西方金地年月日時就金神呪詛者請火炁神解而除之若北方水地年月日時就水神呪詛者請土炁神解而除之若中央土地年月日時就土神呪詛者請木炁神解而除之天罡五行君赤帝兵士百萬人建天司馬千二百人主收捕廟貌之鬼南昌君東闢君各一人官將各一百二十人主收捕林社呪詛之鬼旺相君一人官將一百二十人主收捕師巫竈前呪詛之鬼八卦君兵士十萬人運功君破邪君各一人官將各一百二十人主收捕造作形像呪詛之鬼五方大額君各一人兵士各一百二十人主收捕口舌叫喚呪詛之鬼邪神淫祠盟誓屠倒貪饕陷害侵損生人諸部官君連令消滅若惡人謀議呪詛者請無極天生兵馬十萬

人主收逆理陷害禱祠之鬼攝送鄴獄歸身自受遷拔亡真即得昇身

除類邪

謹為上請无上中官五營校尉兵五十萬人清玄公君一人官將一百二十人无上天士君五人官將一百二十人无上九江茂盛君兵士百萬人主收捕陸梁精邪狂歌叫喚與妖之鬼太古華蓋君二十四人天樂君五人述炁君地精君破逆君天地水炁君天玄開閉君各一人考毒君五人官將各一百二十人地孔君青衣兵士十萬人主叫呼狂易失志顛邪天官健吏十二人兵士一百二十人赤車將軍十二人吏兵士十萬人天貴君敢健吏天五侯將軍兵士十萬人太甲君朱陰君門都君右女都君陽明君各一人官將各一百二十人主收捕精邪誅滅鬼賊與所在真官社稷山林孟長家中守宅衆神一合誅殺種類無遺

防劫盜

謹為上請萬維君東西面太白天戰君各一

人官將各一百二十人九天乾元君搖天動地君九炁兵五十萬聚天大兵十萬人主盜賊劫掠收捕無餘五方大額君各十萬人主圖謀抄掠神歸陸東九夷君南八蠻君西六戎君北五狄君中三秦君各十二人主守護井間辟斥劫盜

利宅舍却虛耗

謹為上請安炁君太玄君赤白沙君元炁君天玄君各一人官將各一百二十人主收攝橫禍利安宅庭斥散凶殃擒束蠱恠天昌君黃衣兵士太白君各十萬人天罡官將一百二十人主收捕殃煞解逐災害青龍君一人官將一百二十人五福天官地祇十二官將與守宅三將軍三十萬主驅遣虛耗利宜畜養天德廣大吏五人主驅除群凶收絕邪鬼

保速行

謹為上請萬里君北馬君各一人官將各一百二十人明堂玉女千二百人主遠行利涉謀望稱懷盜賊不逢災殃遠離保移徙

謹為上請郡邑大神君仙官將息君去穢君各一人官將各一百二十人主宅舍移徙不傷禁忌人口安泰財畜和平

解冤愆

謹為上請解罪君解過君解刑君解謫君各一人官將各一百二十人主解釋冤愆調除

考謫

祈雪

謹為上請靈臺漢明君九州玄明君各一人官將各一百二十人主攝河伯呂公子三十六人與水帝十二溪女水部神祇興雲下雪九江北玄君四洲九谷君四洲九海君浮雲使者各一人官將各一百二十人一合來下關風伯雨師社令正神起風積雪

右諸項章請官式在人分合以滿齋主期

望之心又須知行下所屬主曹假如祈雨

則須乞教旨下扶桑水府賜谷神王蓮萊都水使者水官司命四海九江三元水府四瀆五湖十二溪真泉源潭嗣今年歲分行雨龍神風伯雨師雷公電母九州社令

管界神祇協力同心起風雲雷電下雨應時

太上濟度章赦卷上